

同安縣志卷之一

星野

同安古七閩地也言分野者或專屬斗或專屬牛或專屬女或兼牛女或兼斗牛或兼斗牛女其說互異夫成形於地卽成象於天謂同之山川不屬於星辰不得也攷之鄭宗疆星經及皇王世紀一謂每星一度當地一千四百里有竒一謂在天一度當地二千九百三十二里孰正孰訛迄無定論姑拾羣言以著於編志星野

同安縣志

卷之一

星野

一

周禮保章氏以星土辨九州之地所封之域皆有分星以視妖祥鄭注十二次之分也星紀吳越也爾雅星紀斗牽牛也郭注牽牛斗者日月五星之所終始故謂之星紀邢疏星紀吳越也
史記天官書斗江湖牽牛婺女揚州漢書天文志同漢書地理志吳地斗分野也粵地牽牛婺女之分野也

後漢書天文志牽牛主吳越

後漢書郡國志自斗十一度至婺女七度一名須女

曰星紀之次于辰在丑謂之赤奮若于律爲黃鍾斗建在子吳越之分野

晉書天文志自南斗十二度至須女七度爲星紀于辰在丑吳越分野屬揚州

隋書地理志揚州于禹貢爲淮海之地在天官自斗十二度至須女七度爲星紀于辰爲丑吳越得其分野

唐書天文志南斗牽牛星紀也

唐書地理志福建泉汀漳爲星紀分

同安縣志

卷之一

星野

一

采史天文志牛宿下三星主南越又云須女占越分
元史天文志斗四度三十六分六十六秒入吳越分
星紀之次揚州之分

明史天文志福建布政司所屬皆牛女分

按昔之言七閩言越言會稽言揚州者同安俱在其中夫論事以經史爲準而據前所載或專主斗或專主牛或兼斗牛或兼斗女已無畫一之見則蔡邕陳卓虞翻杜佑輩聚訟紛紛固其宜矣今欲條分縷析謂福建之泉州屬某星幾度泉州之同

□□某度幾分更罕有能發其微者惟前明詡天
儒業分野經絡則云同安與安溪以及福州之閩
縣候官古田閩清長樂連江羅源永福福清均在
斗四度利瑪竇交度西法則云同安與晉江南安
惠安分野隸牛五度七分之三似較爲詳盡然一
牛一斗說已懸殊而皆不及於女則又安知詡天
儒業利瑪竇之言固確然而不可易也至有以天
市垣北斗三台熒惑尾箕屬吳越揚州者此又離
乎星紀以爲言矣夫卽星紀之說統言吳越揚州
之地數千年以來尚無折衷之旨況求諸星紀之
外而又欲得之區區一邑之間其孰從而辨之茲
勿具載

附北極出地偏度

國朝皇輿全覽圖以地平當極度度方當地二百五
十里率以極爲準立界線以實測其直者以定東
西正中爲南南中之東二線曰東一度四線曰東
二度泉州府治當極東二度半胸南安附焉東屬
曰惠安當極東二度半羸盡大定海嶼爲東三度

西曰安溪當極東一度朒又西曰同安當極東一度半贏盡下地爲一度半徐州隘爲一度半朒澎湖並大定之度金廈兩島並同安之度其橫者以定南北據極星出地高下以辨遠近起於瓊崖黎山南麓北極出地十八度以次而上泉州府治北極出地二十五度南惠如之安溪縣北於南安北極出地二十五度半其南爲同安北極出地二十四度半金廈兩島並焉又渡海而南曰澎湖北極出地二十四度贏盡南至二十三度半則越海矣

同安縣志

卷之一

沿革

七

復元 改年	乾肅 元宗	源改 郡清	長樂 尋	州改 為泉	元天 年寶	元州 宗也	之即 泉今	督州 府都	州為 隸永	榮以 州武	府福 而州	即閩 今州	州改 為泉	二景 年雲	睿五 宗里	北縣 十東	南州 安於
----------	----------	----------	---------	----------	----------	----------	----------	----------	----------	----------	----------	----------	----------	----------	----------	----------	----------

國朝因之

德宗貞元十九年析南安縣西四鄉置大同場

同安縣志

卷之一

沿革

八

疆域 附形勢

昔先王建邦設都分治其國後世因之故犬牙
繡壤罔有或混同邑幅員廣濶羣山羅列於西
北二島扃鑰於東南洵爲泉漳之巨鎮我
皇上設立州縣各司其土各子其民自必正疆界畫
封域亦聊以固吾圉焉志疆域

縣治廣一百一十五里袤一百三十五里至府城一
百二十五里至漳州府一百五十里至臺灣府內
地六十里海洋十一更至 京師七千三百八十
同安縣志

卷之一

疆域

九

東原至小盈嶺四十里界南安乾隆四十年分割馬
巷則東至三忠官一十七里界馬巷

西至子父嶺七十五里界龍溪

南至廈門黃牛峽八十里界大海

北至龜洋嶺五十五里界安溪

東南原至歐嶺四十五里界南安至浯洲料羅九十
五里界大海乾隆四十年分割馬巷則東南至白
巔內海

西南至鼎尾八十里界海澄至濃衝頭七十五里
界龍溪

東北至九溪舊隘四十里界南安

西北至竹隱村五十里界長泰

形勢 附

林次崖集七泉之巨邑南北之要衝

黃光昇集上控八閩下通百粵東西諸巖錯列海中
方輿紀要邑三面距海金廈尤爲險要門戶之防也
劉存德集同安介于泉漳負山襟海盜賊常藪其間

同安縣志

卷之一

疆域

十

以伺進退

蔡獻臣集中左者同安之外戶鼓浪者中左之輔車
安危共之

鄭普平寇記浩浩乎波濤之大渺無際涯而浯洲一
山逆流高出此天地設險爲環海屏藩

海國聞見錄金爲泉郡之下臂廈爲漳郡之咽喉
舊縣志東南十一海島拱列於前西北十六峰巒疊
出於後北有三秀南有天馬東有鴻漸西有蓮華
大輪諸峯爲後屏九躍佛子爲左護西北城內突

起葫蘆一山東西二水夾焉綰結泉漳襟帶大海
舟車水陸之輻輳也

按同域在泉漳之衝三面羅山皆立鐵千尋屏藩
天造東南二島扃鑰海門爲兩郡之巨鎮控制澎
臺阻扼閩粵縣治近枕輪山左列九躍雙溪抱城
淺流入海則以**泃**洲爲內戶焉

築國初海寇深入
據此爲難

東界北爲長興四山周環內開平陸東溪之源出
於此大輪古驛之所經也東南同禾民安翔風緣
山帶海平阜四十餘里西界感化歸得溪山阻深

同安縣志

卷之一

疆域

十一

唯近城水田十里西北諸流之所會也西南臨海
屬從順者率多廣阜平原九茲數里北列龜洋北
辰之屏東連大帽鴻漸之嶂西疊蓮華石澳之峯
南橫大鳳天馬之岫繞縣治而成大勢自小盈苧
溪豪嶺而外皆崎嶇險峻所謂騎不得成列車不
得方軌者踰嶺而南仁德安仁積善另成區域設巡
檢司分自丹竈仙棋天柱南突文圃其間孔道通
漳犬牙相錯而東涯臨廈高浦故衛存焉控陸海
而制中權則以鳳山爲隘矣今置都營壁至於大嶼盤

礮近貼內地蘊之以筭管輔之以鼓浪高居堂奧
雄視漳東中左之鎮城也東懸海表爲廈外藩官
澳以內之港口沿邊安邊料羅以東之水天無際
洋船候于風收浯島之幅員也二嶝守內港之邊二
担捍外港之門烈嶼當兩島之軸而海疆之形勢
概見于此矣

城池

易垂設險守國書稱慎固封疆溝壘之設由來已久同邑城池創於宋紹興間西北依山東南臨溪地利得焉自元迄明屢有脩葺我

國家謀衛民社不廢鑿築而教養萬民聯上下如臂指繫國脈於苞桑寧徒區區城高池深乎哉

志城池

縣城在大輪山下東西廣南北狹如銀錠式故名銀城南溪有石狀若魚色若銅故又名銅魚城以大

同安縣志

卷之一

城池

十三

輪爲後屏九躍山佛子嶺爲左護西北隅葫蘆山入城而東西二溪之水夾焉宋紹興十五年知縣王軾勑築十八年知縣劉寬成之周七百九十五丈高丈二尺濠深廣各一丈二尺爲門五東曰朝天西曰厚德南曰銅魚北曰拱辰西北曰慶豐慶元元年知縣余元一增脩紹定三年知縣韓木重脩併浚濠元至正十四年安溪寇攻陷十五年達魯花赤馬哈謀沙用石內外砌之明正統十四年沙尤寇復陷城景泰元年泉州衛指揮使楊海及

主簿蔡麟重修增高五尺成化十八年知縣張伋
重修改本東門曰迎陽西曰鎮兌南曰來薰北曰
綠野惟西北仍舊嘉靖三十七年倭寇至知縣徐
宗爽增高三尺西南各爲重門設窩鋪五十有九
明年大雨城多圯賊大至時署令興化府同知李
時芳用木柵捍蔽募山中藥弩手選各澳漁民與
居民相叅防禦署教諭吳金亦率諸生與鄉士大
夫分門共守賊不得入其後有圯輒葺林希元送

郡序戊午歲三月倭寇攻城公率士民分堞而守
賊始引去夏五月賊復攻城濠雨城崩公晝夜防

同安縣志

卷之一

城池

十四

守賊門既退之諸生議以前官因之賊改築城垣拓啓學櫺
星二賊門因之逼斗堪興家忌之議將城垣拓啓學櫺
五十丈處以二丈厥績同公自即學以來門逼於城前
師生措處以成厥績同公自即學以來門逼於城前
人精於地理者至去其雉堞立亭于前益隘諸觀瀾
蓋不得已之故也自因賊築城而門前益隘諸觀瀾
始有是議拓啓者豈當學門而未行歟又置敵樓
舊志不載拓啓者豈當學門而未行歟又置敵樓

十所先後置貢銃五門佛郎機十五門鳥銃一百
七十二門萬歷十九年知縣柴堯年浚濠而廣之
後以鑿傷龍脈不利城居紳士請於葫蘆山後少
加培補二十五年知縣洪世俊增高二尺復改門
名東曰鴻漸西曰豐澤南曰朱紫北曰拱秀西北

曰朝元晚國朝莊光前南樓晚望詩秋水蒼茫傍
印破紅霞白鴈飛山脚雲坳斜照入海門烟樹後
擁潮歸南來一鴈路通朱紫應有高車駟馬駢

二年稍圯主簿謝與源督修堅牢三十三年知縣

王世德議以縣前直街年徵稅銀四十四兩專備

脩城費云城周圍八百四十六丈八尺高二丈三

尺泊岸八百六十九丈濠深六尺濶二丈四尺堞

一千三百九十二門樓五浮臺四敵樓一窩鋪一

百有八知縣鮑際明復於三十五年雨壞重脩天

啓壬戌紅毛侵入知縣李燦然始會紳士襄築大

同安縣志

卷之一

城池

十五

砲臺十座蔡獻臣紀邑有紅夷之警一切訓戎

善銃吾城外三銃臺如蟻附何乃即城爲臺者十空

其設板崇禎十三年司李姜應龍署邑篆鳩工修葺

國朝順治五年戊子四月海氛圍城據之八月廿六

日城克復屠焉十一年甲午復陷折城及官署民

居運入**泖**洲金華總兵馬進寶知縣梅應魁復完

築週圍八百四十六丈二尺三寸府志作基濶一

丈一尺九寸頂濶一丈高一丈九尺九寸府志作

尺堞子併爲六百七十五窩鋪三十三殺去七砲

臺四座其殺六去築護城短垣八百六十九丈高七尺

濠溝長一千九十六丈東西南北門樓四廢西北

朝元門康熙十七年八月海氛復陷官民舍洗折

無存署縣齊宗孔修築增高一尺一寸康熙五十

一年東西南三樓損壞知縣朱奇珍重修雍正十

一年六月大水崩其東隅知縣胡格修之時西北

久廢朝元門論者以城既增高則朝元似不宜少

蓋豁達則亨幽塞則閉乾隆元年知縣唐孝本會

集紳士復開西北門城門依舊有五前西北門向大溪尖山峯

同安縣志

卷之一

城池

十六

巒聳秀故前朝科甲冠於泉南唐侯復開之門誤向寶鎮山堪輿家以為屍案竣事之日唐候深為

疑恨議改之乾隆十七年七月大水為災城不浸

者三版崩其西隅署縣熊定猷修之廿六年儒學

前城堞復建觀瀾亭紳士葉廷梅林其新董其事

國朝高聯飛登觀瀾亭詩金風初轉日將低躡履登城遠望述烟樹描成千古畫雲山疊作萬重梯尋

巢野鶴來還去傍草沙鷗起復棲睇覽波瀾無盡境茫然長與碧天齊嘉慶元年邑

紳高以彰改復西北門原向蓋樓其上以固防禦

知縣劉永公記銀同昔稱理學名區山川秀美天馬騰空於前三秀卓列於後鴻漸東峙蓮華西聳

地靈而一人傑焉曰城之築也自宋紹興始為門五厥後西北一門改曰朝元門向大溪尖山峯巒挺秀

高出海羣山故門由塞文迄運明浸衰乾文章盛丙辰於他陵唐君

孝君本適來以宰公是務邑晉省集囑紳地師復以闢門向北大門溪時尖山經始

虞董朝事唐君以公私旋意大于地師息移未便更鎮山對屍案而

紳高與同彰獨出天己榜杜鴻猷楊宗潮等子邑請上憲

准改告竣曰於是作仍舊秋城也興工於嘉慶永奠年丙辰

復而此峯巒對聳昔時規模於今復舊爰為高君之以力

朽云不二年東隅臨溪城崩高以彰脩築以子監生

高玉成董成之峯國朝高玉成登城遠眺詩三秀

徊雉堞多生意遠望山光共水浮三年高以彰倡疏城濠命其子

同安縣志

卷之一

城池

十七

高玉成會集紳士葉廷華劉光鼎劉逢升童浚德

林炳昌葉蒲珪葉紫花葉日進葉燮葉嗣洲葉可

南葉光華葉紫珪吳聯科楊宗潮黃志得高聯美

其董其役按濠溝原以引水注入銅魚池乃闔邑

濠中種植蒹葭或就濠邊砌築蓋店以致水道壅塞而西關一帶尤甚嘉慶三年闔邑紳士僉懇

督憲若魁有侵佔當亟清復稽之前朝縣城之內

選取民壯增編義民非有武弁營署 國朝順治

三年調鎮將折光秋等守同安康熙二年總兵黃

翼屯札十八年築城設遊擊防守雍正八年改設

叅將縣治雖屬泉州而武營乃屬漳鎮

廈門城在嘉禾嶼離縣城六十里水程七十里一潮可至明爲中左所洪武二十七年江夏侯周德興造周四百二十五丈九尺高連女牆一丈九尺窩鋪二十二門四東曰啓明西曰懷音南曰洽德北曰潢樞各建樓其上永樂十五年都指揮谷祥增高三尺四門增砌月城正統八年都指揮劉亮督同千戶韓添復增築四門敵樓城內外皆甃以石城北有望高石可全收山海之勝 國朝順治六

同安縣志

卷之一

城池

十八

年海氛入城據之提督馬得功攻而不克康熙二年馬得功取之總督李率泰令墮島城棄其地十年提督萬正色復兩島疏畱總兵官鎮之二十二年靖海將軍施琅掛侯印駐劄於此琅遂表奏重葺城窩二十四年拓而廣之周六百丈乾隆十七年知縣張元芝重修以貢嗣是水師提督開府於此二十五年以泉同知駐此雍正一年又以興泉永道駐焉

金門鎮城在馬巷廳屬浯洲嶼離縣城八十里水程

一百里一潮可至北阻太武山東西南阻海明洪武二十年置千戶於此江夏侯築城周六百三十三丈高連女牆二丈五尺窩鋪三十六外環以濠深廣丈餘東西南北四門各建樓其上永樂十五年都指揮谷祥增高三尺併築西北南三月城正統八年都指揮劉亮千戶陳旺增築四門敵樓嘉靖三十七年所署燬於火 國朝康熙間重修之城南有石臨海鐫字云金門外谷神完賊舟泊誰有生還石上嘯卧亭爲都督俞大猷平倭後所建原

同安縣志

卷之一

城池

十九

移同安縣丞駐此其總兵官駐劄原在金門舊城高聳臨江目極東南爲備海要地今總鎮自平臺以後以所城稍圯人烟稀少移駐後浦爲前會元許獬居地叢雜街市舊志有巡哨不及之患乾隆

三十年移縣丞於灌口而以安海通判駐此四十年通判移駐馬巷四十五年仍移縣丞駐焉

高浦城在安仁里離縣城六十里洪武二十四年徙永寧衛千戶所於此江夏侯周德興建城周四百三十二丈高連女牆一丈七尺基廣一丈窩鋪十

六門四砌月城建樓永樂十五年都指揮谷祥用高三尺正統八年劉亮督千戶趙瑤增築敵樓今舊城尙存又一日高浦司城在嘉禾里二十二都高浦明江夏侯周德興建周一百四十丈基廣七尺高一丈八尺窩鋪四南北門二此司自萬歷已經裁汰城亦圯無存以上三城原爲三所今高浦雖廢姑仍其舊與金廈並列灌口城在安仁里十五都灌口順治十八年建其巡檢司自白礁司苧溪司移駐於此武營都司守城乾隆三十一年廢巡檢移金門縣丞駐此四十五

同安縣志

卷之一

城池

二十

年縣丞移駐金門仍設巡檢駐焉

石澗城在同禾里四都順洽十八年將烈巔司移此今巡檢司現駐廈門

險寨附

塔頭寨在嘉禾里二十二都明建并設司周一百三十丈高一丈七尺窩鋪四南北門二

高崎寨在嘉禾里臨海并石砲臺一座

東澳寨

五通寨 俱在嘉禾里

下店寨在仁德里十三都順治十八年建

集美寨在仁德里十一都臨海與高崎城相對

太員堂寨

焉鑾寨 俱在安仁里高浦

周山窰寨在積善里十八都康熙八年建

通津寨康熙八年建

踏石寨順治十八年建

太平寨在從順里三都西浦保今類

霞寨在順從里二都瑤江村今類

同安縣志

卷之一

城池

二十一

石鼓寨在縣西南宋靖康門建以禦山寇

馬家巷寨在民安里十一都康熙八年建其巡檢司

自浯洲官澳司移駐於此改曰踏石司乾隆四十

年移金門通判駐此廢踏石司設照磨

官澳寨在馬巷廳屬翔風里十七都浯洲官澳明建

拜設司萬歷舊志載周一百四十八丈高一丈七

尺窩舖四南北門二今城類

烈巔寨在馬巷廳屬翔風里二十都烈巔明建并設

司城舊志載周一百三十五丈高一丈二尺窩舖

四門一今城頽

峯上寨在馬巷廳屬翔風里十八都浯洲峯上明建并設司城舊志載周九十五丈高一丈五尺窩舖四門一今城頽順治十八年改爲下店司

陳坑寨在馬巷廳屬翔風里十八都明建并設司城舊志載周一百五十三丈府志作一丈一百八十八丈基廣一丈一尺高一丈七尺窩舖四門一

田浦寨在馬巷廳屬翔風里十八都明建并設司城舊志載周一百五十五丈府志作一丈一百六十五丈基廣一丈高一丈

同安縣志

卷之一

城池

二十二

八尺窩舖四東西門二

劉五店寨

牛頭寨

穢林寨

歐山寨

淇山寨

青崎山寨

澳頭寨

西山寨

天寶寨

以上俱在馬巷廳屬翔風里

金牌寨在馬巷廳屬民安里

卷終

同安縣志

卷之一

城池

二十三